

## 3. ALI IMRAN (KELUARGO IMRAN)

Suet ke-3: 200 ayat

Ngen gen Allah, De Maha Pengasiak Maha Penyayang

بِسْمِ اللَّهِ الرَّحْمَنِ الرَّحِيمِ

1. *Alif lam mim* (Allah bah de paling namen tai ne)

الْم

2. Allah, coa gen Tuhan luyen seluwen kundei Si, Maha Hidup, Trus murus (makhluk Ne)

اللَّهُ لَا إِلَهَ إِلَّا هُوَ الْحَيُّ الْقَيُّومُ

3. Si tmu'un Kiteb (Al-Qur'an) ngen ko (Muhammad) de mengandung kebenea, mbenea (Kiteb-Kiteb) ayok ne, tmu'un Taurat ngen Injil.

نَزَلَ عَلَيْكَ الْكِتَابَ بِالْحَقِّ مُصَدِّقًا لِمَا بَيْنَ يَدَيْهِ وَأَنزَلَ التَّوْرَةَ وَالْإِنجِيلَ

4. Ayok ne, sebagai petunjuk magea manusio, Si tmu'un *Al-Furqan*. Pasti, api do muker ayat-ayat Allah akan dapet sikso bnek. Allah Maha Perkasa ngen temwan (bales) sikso.

مِن قَبْلُ هُدًى لِّلنَّاسِ وَأَنزَلَ الْفُرْقَانَ إِنَّ الَّذِينَ كَفَرُوا بِآيَاتِ اللَّهِ لَهُمْ عَذَابٌ شَدِيدٌ وَاللَّهُ عَزِيزٌ ذُو

الْإِنْتِقَامِ

5. Bagi Allah coa gen do coa kten neak bumai ngen lenget.

إِنَّ اللَّهَ لَا يَخْفَىٰ عَلَيْهِ شَيْءٌ فِي الْأَرْضِ وَلَا فِي السَّمَاءِ

١٠٠

6. Si ba de mnea ko neak lem rahim sesuwoi ngen kenlok Ne. Coa gen Tuhan seluyen kundei Si, Maha Perkasa ngen Maha Bijaksana.

هُوَ الَّذِي يُصَوِّرُكُمْ فِي الْأَرْحَامِ كَيْفَ يَشَاءُ لَا إِلَهَ إِلَّا هُوَ الْعَزِيزُ الْحَكِيمُ

7. Si ba de tmu'un Kiteb (Al-Qur'an) ngen ko (Muhammad). Nak lem ne ade ayat-ayat *muhkamat*, do o ba pokok-pokok Kiteb (Al-Qur'an) dan de luyen ne ade *mutasyabihat*. Adepun tun do cundung seset si tmotoa do *mutasyabihat* utuk msoa masalah ngen msoa maksud ne, padahal coa gen do namen maksud sebenea ne kecuali Allah. Tapi tun do lem lemau ne

هُوَ الَّذِي أَنزَلَ عَلَيْكَ الْكِتَابَ مِنْهُ آيَاتٌ مُحْكَمَاتٌ هُنَّ أُمُّ الْكِتَابِ وَأُخْرُ مُتَشَابِهَاتٌ فَأَمَّا الَّذِينَ فِي قُلُوبِهِمْ زَيْغٌ فَيَتَّبِعُونَ مَا تَشَبَهَ مِنْهُ ابْتِغَاءَ الْفِتْنَةِ وَابْتِغَاءَ تَأْوِيلِهِ وَمَا يَعْلَمُ تَأْوِيلَهُ إِلَّا اللَّهُ

<p>madeak :”Keme berimen ngen Kiteb (Al-Qur’an), kute ne kundi Tuhan keme”. Coa gen do dapet mok pelajaran kecuali tun do dau lmau ne.</p>	<p>وَالرَّاسِخُونَ فِي الْعِلْمِ يَقُولُونَ ءَامَنَّا بِهِ كُلٌّ مِّنْ عِنْدِ رَبِّنَا وَمَا يَذَّكَّرُ إِلَّا أُولُو الْأَلْبَابِ ﴿٧﴾</p>
<p>8. (Tobo o beduo) : ”Ya Tuhan keme, jibeak Ko cmudung atei keme mageak dalen saleak sudo Ko mlei ptujuk magea keme, Nlei ba keme rahmat Nu, keme yakin Ko ba Maha Mlei.</p>	<p>رَبَّنَا لَا تُرِغْ قُلُوبَنَا بَعْدَ إِذْ هَدَيْتَنَا وَهَبْ لَنَا مِن لَّدُنكَ رَحْمَةً إِنَّكَ أَنْتَ الْوَهَّابُ ﴿٨﴾</p>
<p>9. ”Ya Tuhan keme, Ko ba kmopoa manusio pado bilai do coa gen ragau ade ne. Keme yakin, Allah coa kan muker janjai”.</p>	<p>رَبَّنَا إِنَّكَ جَامِعُ النَّاسِ لِيَوْمٍ لَّا رَيْبَ فِيهِ إِنَّ اللَّهَ لَا يُخْلِفُ الْمِيعَادَ ﴿٩﴾</p>
<p>10. Bagi tun kapia, coa gen guno gok didik harto ngen anak-anok ne magea sikso Allah. Tobo o ijai putung opoi nrako.</p>	<p>إِنَّ الَّذِينَ كَفَرُوا لَنْ تُغْنِيَ عَنْهُمْ أَمْوَالُهُمْ وَلَا أَوْلَادُهُمْ مِنَ اللَّهِ شَيْئًا وَأُولَئِكَ هُمْ وَقُودُ النَّارِ ﴿١٠﴾</p>
<p>11. (Keadaan tobo o) awei pngikut Fir’aun ngen tun seblum ne. Tobo o coa cayu ngen Ayat-Ayat Keme, mako Allah smikso tobo o kerno doso-doso ne. Allah kebiak bnek hukuman Ne.</p>	<p>كَذَّابٍ ءَالٍ فِرْعَوْنَ وَالَّذِينَ مِنْ قَبْلِهِمْ كَذَّبُوا بِآيَاتِنَا فَآخَذَهُمُ اللَّهُ بِذُنُوبِهِمْ وَاللَّهُ شَدِيدُ الْعِقَابِ ﴿١١﴾</p>
<p>12. Nadek ba (Muhammad) magea tun kapia, ”Udi (pasti) akan aleak ngen ni’ing (mlikat) masuk nrako Jahannam. Do ba kakea dyem do paling kidek.</p>	<p>قُلْ لِلَّذِينَ كَفَرُوا سَتُغْلَبُونَ وَتُحْشَرُونَ إِلَىٰ جَهَنَّمَ وَبِئْسَ الْمِهَادُ ﴿١٢﴾</p>
<p>13. Nyen, Bi ade tando bagi nu magea duai kelompok do saling beradep. Do kelompok perang nak dalen Tuhan ngen tun kapia do kemliak tun Islam duai lipet kundi ne. Allah kemwet ptulung Ne magea api do Si kemlok. Do awei o o ade plajaran magea tun do ade kmelia (matai atei).</p>	<p>قَدْ كَانَ لَكُمْ ءَايَةٌ فِي فِئَتَيْنِ اللَّتَقَتَا فَعَثْتُهُمَا فِي سَبِيلِ اللَّهِ وَأُخْرَىٰ كَافِرَةٌ يَرَوْنَهُم مِّثْلَهُمْ رَأَىٰ الْعَيْنِ وَاللَّهُ يُؤَيِّدُ بِنَصَرِهِ مَن يَشَاءُ إِنَّ فِي ذَلِكَ لَعِبْرَةً لِّأُولِي الْأَبْصَارِ ﴿١٣﴾</p>

14. Baes neak kmeliak manusio cito magea do kenlok ne berupo slawei-slawei, anak-anok, harto do dau brupo mas ngen pirok, kudo tpiliak, ternok, ngen umai kbun. Do o ba ksenangan denyo, ngen Allah ba kakea belek do baik.
- زُيِّنَ لِلنَّاسِ حُبُّ الشَّهَوَاتِ مِنَ النِّسَاءِ وَالْبَنِينَ وَالْقَنَاطِيرِ الْمُقَنْطَرَةِ مِنَ الذَّهَبِ وَالْفِضَّةِ وَالْخَيْلِ الْمُسَوَّمَةِ وَالْأَنْعَامِ وَالْحَرْثِ ۗ ذَٰلِكَ مَتَّعُ الْحَيَاةِ الدُّنْيَا ۗ وَاللَّهُ عِنْدَهُ حُسْبُ الْمَقَابِلِ ﴿١٤﴾
15. Nadek ba :”Lok udi uku mlei namen gesi do lbiak baik kundi o?” Magea tun do malim (btakwa) sendio Tuhan surgo ngen tang aai-tang aai mlilia nak lem ne, tobo o slamo ne nak lem o, ngen pasangan (ngenyan/ kmaten) do suci, ngen ridho Allah. Allah Maha Kemliak hamba-hamba Ne.
- ﴿ قُلْ أُوتِيتُكُمْ بَخِيرًا مِّنْ ذَٰلِكُمْ ۚ لِلَّذِينَ اتَّقَوْا عِندَ رَبِّهِمْ جَنَّتْ تَجْرِي مِنْ تَحْتِهَا الْأَنْهَارُ خَالِدِينَ فِيهَا وَأَزْوَاجٌ مُّطَهَّرَةٌ وَرِضْوَانٌ مِّنَ اللَّهِ ۗ وَاللَّهُ بَصِيرٌ بِالْعِبَادِ ﴿١٥﴾
16. (Tobo o ade ba) Tun do beduo, “Ya Tuhan keme, keme bnea-bnea berimen, mako napun ba doso-doso keme ngen nlidung ba kundi sikso nrako.
- الَّذِينَ يَقُولُونَ رَبَّنَا إِنَّا ءَامَنَّا فَاعْفِرْ لَنَا ذُنُوبَنَا وَقِنَا عَذَابَ النَّارِ ﴿١٦﴾
17. Ngen tun do sabar, tun do bnea, tun do patuh, ngen tun do mlei sedkeak kundi harto ne ngen tun do minoi apun nak waktau ati lweng.
- الصَّابِرِينَ وَالصَّادِقِينَ وَالْقَانِتِينَ وَالْمُنْفِقِينَ وَالْمُسْتَغْفِرِينَ بِالْأَسْحَارِ ﴿١٧﴾
18. Allah madeak coa gen Tuhan luyen kundi Si, (awei o kulo) mliat ngen tun do dau lmau ne do temgok keadilan, coa gen Tuhan luyen kundi Si, Maha Perkasa ngen Maha Bijaksana.
- شَهِدَ اللَّهُ أَنَّهُ لَا إِلَهَ إِلَّا هُوَ وَالْمَلَائِكَةُ وَأُولُو الْعِلْمِ قَائِمًا بِالْقِسْطِ ۗ لَا إِلَهَ إِلَّا هُوَ الْعَزِيزُ الْحَكِيمُ ﴿١٨﴾
19. Do nyen ne agama nak adep Allah adeba Islam. Coa slisiak tun do nlei Kiteb kecuali sesudo neko lmau, kerno iri nak antaro ne. Api do muker magea ayat-ayat Allah, mako Allah kbiak gacang pritung Ne.
- إِنَّ الدِّينَ عِندَ اللَّهِ الْإِسْلَامُ ۗ وَمَا اخْتَلَفَ الَّذِينَ أُوتُوا الْكِتَابَ إِلَّا مِنْ بَعْدِ مَا جَاءَهُمُ الْعِلْمُ بَغْيًا بَيْنَهُمْ ۗ وَمَنْ يَكْفُرْ بِغَايَتِ اللَّهِ فَإِنَّ اللَّهَ سَرِيعُ الْحِسَابِ ﴿١٩﴾
20. Sudo o amen tobo o mlawen kecek nu (Muhammad) nadeak ba, :Uku bsreak dirai magea Allah, awei o kulo magea tun
- فَإِنْ حَاجُّوكَ فَقُلْ أَسْلَمْتُ وَجْهِيَ لِلَّهِ وَمَنِ اتَّبَعَنِ ﴿٢٠﴾

do milau ngen uku”. Nadeak ba ngen tun do bi nlei Kiteb ngen tun do buto uruf, “Bisudo udi masuk Islam?” Amen tobo o masuk Islam, beratai si dapet petunjuk, tapi amen si coa kune lok, mako kewajiban nu cuma smapei. Allah Maha kemliak hamba-hamba Ne.

21. Sebenea ne tun do muker ayat-ayat Allah ngen munuak nbai-nbai coa gen hok (alasan do bnea) ngen munuak tun do adil, snapei ba ngen si kabar baik berupo sikso do bnek.

22. Tobo o ba tun do sesio kerjo ne nak denyo ngen akhirat, tobo o coa dapet ptulung.

23. Coa ko kemliak tun do bi nlei Kiteb (Taurat)? Si najok (bepegong) ngen Kiteb Allah utuk mutus masalah nak antaro ne. Sudo o pao tobo o tmulok (kbenea o).

24. Hal yo kerno tobo yo madeak, “poi nrako coa kan gmindoa keme kecuali beberapo bilai bae”. Tobo o tpike magea agama ne ngen jano do si made-made.

25. Gero bilo (konyo) tobo o keme kmopoa nak bilai (kiamat) do coa gen kragau tjijai ne, tip nyabai dapet bales seperno sesuoi ngen jano do kenrejo ne, tobo o coa rugai.

26. Nadeak ba (Muhammad), “Wahai Tuhan do Temwan kekuasaan, ko mlei kekeuasaan api do ko kemlok, ko cmabut kekuasaan magea api do ko kemlok. Ko mnea mulio api do ko kemlok, Ko mino api do Ko kemlok” Nak Tangen Nu ba kute kebaikan. Ko ba Maha Kuasa atas kekute ne.

وَقُلْ لِلَّذِينَ أُوتُوا الْكِتَابَ وَالْأُمِّيِّينَ ءَأَسْلَمْتُمْ ؕ فَإِنْ  
 أَسْلَمُوا فَقَدِ اهْتَدَوْا ۗ وَإِنْ تَوَلَّوْا فَإِنَّمَا عَلَيْكَ  
 الْبَلْغُ ۗ وَاللَّهُ بَصِيرٌ بِالْعِبَادِ ﴿١٠٠﴾

إِنَّ الَّذِينَ يَكْفُرُونَ بِآيَاتِ اللَّهِ وَيَقْتُلُونَ النَّبِيَّ  
 بَعْدَ حَقِّهِ وَيَقْتُلُونَ الَّذِينَ يَأْمُرُونَ بِالْقِسْطِ  
 مِنَ النَّاسِ فَبَشِّرْهُمْ بِعَذَابٍ أَلِيمٍ ﴿١٠١﴾

أُولَئِكَ الَّذِينَ حَبِطَتِ أَعْمَلُهُمْ فِي الدُّنْيَا  
 وَالْآخِرَةِ وَمَا لَهُمْ مِنْ نَّاصِرِينَ ﴿١٠٢﴾

أَلَمْ تَرَ إِلَى الَّذِينَ أُوتُوا نَصِيحًا مِّنَ الْكِتَابِ  
 يُدْعَوْنَ إِلَى كِتَابِ اللَّهِ لِيَحْكُمَ بَيْنَهُمْ ثُمَّ يَتَوَلَّوْا  
 فَرِيقًا مِّنْهُمْ وَهُمْ مُّعْرِضُونَ ﴿١٠٣﴾

ذَٰلِكَ بِأَنَّهُمْ قَالُوا لَنْ نَمَسَّنَا النَّارُ إِلَّا أَيَّامًا مَّعْدُودَاتٍ  
 وَغَرَّهُمْ فِي دِينِهِمْ مَا كَانُوا يَفْتُرُونَ ﴿١٠٤﴾

فَكَيْفَ إِذَا جَمَعْتَهُمْ لِيَوْمٍ لَا رَيْبَ فِيهِ وُؤْفِيَتْ كُلُّ  
 نَفْسٍ مَّا كَسَبَتْ وَهُمْ لَا يُظْلَمُونَ ﴿١٠٥﴾

قُلِ اللَّهُمَّ مَلِكُ الْمَلِكِ تُؤْتِي الْمَلِكَ مَن تَشَاءُ وَتَنْزِعُ  
 الْمَلِكَ مِمَّن تَشَاءُ وَتُعِزُّ مَن تَشَاءُ وَتُذِلُّ مَن تَشَاءُ ۗ  
 بِيَدِكَ الْخَيْرُ إِنَّكَ عَلَىٰ كُلِّ شَيْءٍ قَدِيرٌ ﴿١٠٦﴾

27. Ko mpek kelmen moi kbilai, Ko mpek kbilai moi kelmen. Ngen Ko kemlewea do idup kundi matei ngen Ko kulo kemlewea do matei kundi do hidup. Ko ba mlei jerkai ngen api do Ko kemlok coa bitung.
- تُولِجُ اللَّيْلَ فِي النَّهَارِ وَتُولِجُ النَّهَارَ فِي اللَّيْلِ وَتُخْرِجُ الْحَيَّ مِنَ الْمَمِيتِ وَتُخْرِجُ الْمَمِيتَ مِنَ الْحَيِّ وَتَرْزُقُ مَنْ تَشَاءُ بِغَيْرِ حِسَابٍ ﴿٦٧﴾
28. Cibeak ba tun do berimen miliak tun kapia jijai rajo, tapi nilia ba tu berimen. Api do awei o, mako si coa dapet jejano kundi Allah, kecuali kerno taktik jmago dirai kundi do coa udi binai kundi ne. Allah minget udi ngen dirai (sikso) Ne ngen Si ba udi belek.
- لَا يَتَّخِذِ الْمُؤْمِنُونَ الْكَافِرِينَ أَوْلِيَاءَ مِنْ دُونِ الْمُؤْمِنِينَ وَمَنْ يَفْعَلْ ذَلِكَ فَلَيْسَ مِنَ اللَّهِ فِي شَيْءٍ إِلَّا أَنْ تَتَّقُوا مِنْهُمْ تُقَنَّةً ۗ وَيُحَذِّرُكُمُ اللَّهُ نَفْسَهُ ۗ وَإِلَى اللَّهِ الْمَصِيرُ ﴿٦٨﴾
29. Nadeak ba, "Amen udi munyin jano do nak lem atei udi atau udi kemlewea, Allah pasti namen." Si namen jano do nak lenget ngen nak bumai. Allah Maha Kuaso magea kute sesuatu.
- قُلْ إِنْ تُخْفُوا مَا فِي صُدُورِكُمْ أَوْ تُبْدُوهُ يُعَلِّمَهُ اللَّهُ وَيَعْلَمُ مَا فِي السَّمَوَاتِ وَمَا فِي الْأَرْضِ ۗ وَاللَّهُ عَلَىٰ كُلِّ شَيْءٍ قَدِيرٌ ﴿٦٩﴾
30. (Ninget ba) pado bilai (waktau) tip nyabai dapat (balasan) utuk uleak baik di kenrejo, awei o kulo kerjo jahat. Si marap cubo ade jarak uak antaro si ngen (bilai) o. Allah minget udi magea sikso Ne. Allah Maha Penyayang magea hamba-hamba Ne.
- يَوْمَ تَجِدُ كُلُّ نَفْسٍ مَّا عَمِلَتْ مِنْ خَيْرٍ مُحْضَرًا وَمَا عَمِلَتْ مِنْ سُوءٍ تَوَدُّ لَوْ أَنَّ بَيْنَهَا وَبَيْنَهُ أَمَدًا بَعِيدًا ۗ وَيُحَذِّرُكُمُ اللَّهُ نَفْسَهُ ۗ وَاللَّهُ رَءُوفٌ بِالْعِبَادِ ﴿٧٠﴾
31. Nadeak ba (Muhammad), "Amen udi cmito Allah, milau ba ngen uku, mako Allah cmito udi ngen mapun dos oudi ". Allah Maha Pengampun, Maha Penyayang.
- قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ ذُنُوبَكُمْ ۗ وَاللَّهُ غَفُورٌ رَحِيمٌ ﴿٧١﴾
32. Nadeak ba (Muhammad), "Taat ba ngen Allah ngen Rasul, amen udi tmulok, ninget ba bahwa Allah coa tujau ngen tun kapia".
- قُلْ أَطِيعُوا اللَّهَ وَالرَّسُولَ ۗ فَإِنْ تَوَلَّوْا فَإِنَّ اللَّهَ لَا يُحِبُّ الْكَافِرِينَ ﴿٧٢﴾
33. Nyen, bahwa Allah bi miliak Adam, Nuh, keluarga Ibrahim ngen keluarga Imran melebihi kundi kute umat (pado zaman ne masing-masing).
- ﴿٧٣﴾ إِنَّ اللَّهَ اصْطَفَىٰ آدَمَ وَنُوحًا وَآلَ إِبْرَاهِيمَ وَآلَ عِمْرَانَ عَلَى الْعَالَمِينَ ﴿٧٤﴾

34. (sebagai) do keturunan, pao adeba keturunan do luyen. Allah Maha Tmiuk ngen Maha Namen. ذُرِّيَّةً بَعْضُهَا مِنْ بَعْضٍ وَاللَّهُ سَمِيعٌ عَلِيمٌ ﴿٣٤﴾
35. (Ninget ba), waktau ngenyan Imran bjanjai : ” Ya Tuhanku, nyen, uku bnazar ngen Ko, (bayi) nak lem kandunganku yo konyo ijai hamba do sholeh ngen ngabdi ngen Ko, mako tnimo ba niatku o. Nyen, Ko ba Maha Tmiuk, ngen Maha Namen.” إِذْ قَالَتِ امْرَأَتُ عِمْرَانَ رَبِّ إِنِّي نَدَرْتُ لَكَ مَا فِي بَطْنِي مُحَرَّرًا فَتَقَبَّلْ مِنِّي إِنَّكَ أَنْتَ السَّمِيعُ الْعَلِيمُ ﴿٣٥﴾
36. Mako waktau mlaher ne, si madeak, ”Ya Tuhanku, uku mlaher anak slawei”, padahal Allah lbiak namen gesi do mlaher ne, ngen namen smanei coa srai ngen slawei. ”Uku mlei gen ne Maryam, Uku minoi plidung Nu utuk ne ngen anak kepau ne kundi (gnanggau) setan do kno kutuk. فَلَمَّا وَضَعَتْهَا قَالَتْ رَبِّ إِنِّي وَضَعْتُهَا أُنْثَىٰ وَاللَّهُ أَعْلَمُ بِمَا وَضَعْتَ وَلَيْسَ الذَّكَرُ كَالْأُنْثَىٰ وَإِنِّي سَمَّيْتُهَا مَرْيَمَ وَإِنِّي أُعِيذُهَا بِكَ وَذُرِّيَّتَهَا مِنَ الشَّيْطَانِ الرَّجِيمِ ﴿٣٦﴾
37. Mako Si (Allah) tmimo do o ngen penimo baik, mlai ne ngen baik, ngen semreak mliaro ne ngen Zakaria. Tip Zakaria masuk temau si nak *mihrab* (kamar kakea semyang) ne, si kemliak ade upan (juadeak atau do luyen ne) nak di o. Si btenai : ”Hoi Maryam! Kundi ipe ko dapet jo?”. Si (Maryam) jmawab, : “Do o kundi Allah”. Nyen, Allah mlei jerkai ngen api do Si kemlok coa pakei bitung. فَتَقَبَّلَهَا رَبُّهَا بِقَبُولٍ حَسَنٍ وَأَنْبَتَهَا نَبَاتًا حَسَنًا وَكَفَّلَهَا زَكَرِيَّا كُلَّمَا دَخَلَ عَلَيْهَا زَكَرِيَّا الْمِحْرَابَ وَجَدَ عِنْدَهَا رِزْقًا قَالَ يَمْرُؤُا أَنَّىٰ لَكَ هَذَا قَالَتْ هُوَ مِنْ عِنْدِ اللَّهِ إِنَّ اللَّهَ يَرْزُقُ مَنْ يَشَاءُ بِغَيْرِ حِسَابٍ ﴿٣٧﴾
38. Nak di ba Zakaria bduo magea Tuhan ne. Si mucep, ”Ya Tuhanku, nleiba uku anak kundi Nu, Ko ba Maha Tmi’uk duo”. هَذَا لَكَ دَعَا زَكَرِيَّا رَبَّهُ قَالَ رَبِّ هَبْ لِي مِنْ لَدُنْكَ ذُرِّيَّةً طَيِّبَةً إِنَّكَ سَمِيعُ الدُّعَاءِ ﴿٣٨﴾
39. Sudo o mlikat mdeu si, waktau si tje kemerjo semyang nak *mihrab*, ”Allah smapei kabar baik magea ko ngen (laher) Yahya, do mbenea firman kundi Allah, ijai contoh, sanggup tmaen dirai (kundi hawa nafsu), ngen sebagai nbai antaro tun malim. فَنَادَتْهُ الْمَلَائِكَةُ وَهُوَ قَائِمٌ يُصَلِّي فِي الْمِحْرَابِ أَنَّ اللَّهَ يُبَشِّرُكَ بِيَحْيَىٰ مُصَدِّقًا بِكَلِمَةٍ مِنَ اللَّهِ وَسَيِّدًا وَحَصُورًا وَنَبِيًّا مِنَ الصَّالِحِينَ ﴿٣٩﴾

40. Si (Zakaria) btenai, "Ya Tuhanku, gero uku dapat ade anak sementaro uku bi twai nyen, ipe igai ngenyanku mandoa?". Si (Allah) madeak, "Awei o ba, Allah kemerjo gesi do kenlok Ne".
- قَالَ رَبِّ أَنَّى يَكُونُ لِي غُلَامٌ وَقَدْ بَلَغَنِيَ الْكِبَرُ  
وَأَمْرَاتِي عَاقِرٌ قَالَ كَذَلِكَ اللَّهُ يَفْعَلُ مَا يَشَاءُ ﴿٤٠﴾
41. Si (Zakaria) madeak, "Ya Tuhanku, nlei ba uku tando ne." Allah berfiman, "tando ne utuk nu, bahwa ko coa miling ngen tun selamo tlau bilai, kecuali ngen syarat. Sembut ba gen Tuhan nu dedau ne, ngen bertasbih ba (mujai Tuhan) pado waktu pelbeak ngen pweng".
- قَالَ رَبِّ اجْعَلْ لِي آيَةً ۗ قَالَ ءآيَتُكَ إِلَّا تُكَلِّمَ  
النَّاسَ ثَلَاثَةَ أَيَّامٍ إِلَّا رَمَزًا ۗ وَادَّكُرَ رَبُّكَ كَثِيرًا  
وَسَبِّحْ بِالْعَشِيِّ وَالْإِبْكَرِ ﴿٤١﴾
42. (Ninget ba) waktu mlikat-mlikat madeak, "Wahai Maryam! Nyen, Allah bi miliak ko, smuca i ko ngen mlebiak ko kundi slawei-slawei nak denyo yo (pado waktu o)".
- وَإِذْ قَالَتِ الْمَلَأِكَةُ يَمْرُؤُا إِنَّ اللَّهَ اصْطَفَاكِ  
وَطَهَّرَكِ وَأَصْطَفَاكِ عَلَىٰ نِسَاءِ الْعَالَمِينَ ﴿٤٢﴾
43. Wahai Maryam, taat ba ngen Tuhan nu, sujud ngen rukuk ba ngen tun do rukuk".
- يَمْرُؤُا أَقْنِي لِرَبِّكِ وَاسْجُدِي وَارْكَعِي مَعَ  
الرَّكَعِينَ ﴿٤٣﴾
44. Do o ba pao berito gaib do Keme wahyukan ngen ko (Muhammad), padahal ko coa samo-samo ngen tobo o waktu si mluk pen ne utuk (mlotre) api nak antaro ne do mliaro Maryam. Ko kulo coa ngen tobo o waktu tobo o bribut.
- ذَٰلِكَ مِنْ أَنْبَاءِ الْغَيْبِ نُوحِيهِ إِلَيْكَ ۗ وَمَا كُنْتَ  
لَدَيْهِمْ إِذْ يَقُولُونَ أَقْلَمَهُمُ النَّهْمُ يَكْفُلُ مَرِيَمَ  
وَمَا كُنْتَ لَدَيْهِمْ إِذْ يَخْتَصِمُونَ ﴿٤٤﴾
45. (Ninget ba), waktu mlikat-mlikat madeak, "Wahai Maryam! Nyen, semnang ko ngen do kalimat (firman) kundi Tuhan (anak smanei), gen ne Al-Masih Isa Putra Maryam, tun do tpandang nak denyo ngen akhirat, ngen tmasuk tun do naok (magea Tuhan).
- إِذْ قَالَتِ الْمَلَأِكَةُ يَمْرُؤُا إِنَّ اللَّهَ يُبَشِّرُكِ بِكَلِمَةٍ  
مِّنْهُ اسْمُهُ الْمَسِيحُ عِيسَىٰ ابْنُ مَرْيَمَ وَجِيهًا فِي  
الدُّنْيَا وَالْآخِرَةِ وَمِنَ الْمُقَرَّبِينَ ﴿٤٥﴾
46. Si miling ngen tun (waktu) dong lem buoi ngen waktu bi lai (dewasa) ngn si tmasuk antaro tun malim.
- وَيُكَلِّمُ النَّاسَ فِي الْمَهْدِ وَكَهْلًا وَمِنَ  
الصَّالِحِينَ ﴿٤٦﴾

47. Si (Maryam) madeak : “Ya Tuhanku, jano mungkin uku ade anak, padahal coa gen gok do smanei gmamit uku?” Si (Allah) madeak, “Awei o ba Allah cmipto jano do Si kemlok. Amen Si lok temtep jejano, Si cuma mucep magea barang o, “Jijaibal. Mako jijai ba do o.
- قَالَتْ رَبِّ أَنَّى يَكُونُ لِي وَلَدٌ وَلَمْ يَمَسِّنِي بَشَرٌ  
قَالَ كَذَلِكَ اللَّهُ يَخْلُقُ مَا يَشَاءُ إِذَا قَضَىٰ أَمْرًا  
فَإِنَّمَا يَقُولُ لَهُ كُنْ فَيَكُونُ ﴿٤٧﴾
48. Si (Allah) majea magea si (Isa) kiteb, hikmah, Taurat ngen Injil.
- وَيُعَلِّمُهُ الْكِتَابَ وَالْحِكْمَةَ وَالتَّوْرَةَ وَالْإِنْجِيلَ
49. Ngen sebagai Rasul magea masyarakat Israil (Si madeak), ”Uku bi neko ngen udi ngen tando (mukjizat) kundei Tuhan udi, brupo uku mnea utuk udi (sesuatu) kundei taneak bebentuk burung, sudo o uku kembus, mako si jijai burung nyen seizin Allah. Uku kulo kmaen tun sutai kundei laher ngen tun sakit kusta. Uku kulo midup tun midup tun matei ngen izin Allah, uku kulo mlei namen magea udi gesi do udi mbuk ngen gesi do udi maik nak umek udi. Nyen, nak o ade tando (kebenea bahwa uku Rasul) utuk udi, amen udi tun berimen.
- وَرَسُولًا إِلَىٰ بَنِي إِسْرَائِيلَ أَنِّي قَدْ جِئْتُكُمْ بِآيَةٍ  
مِّن رَّبِّكُمْ أَنِّي أَخْلُقُ لَكُمْ مِنَ الطِّينِ كَهَيْئَةِ  
الطَّيْرِ فَانْفُخْ فِيهِ فَيَكُونُ طَيْرًا بِإِذْنِ اللَّهِ وَأُبْرِئُ  
الْأَكْمَهَ وَالْأَبْرَصَ وَأُحْيِي الْمَوْتَىٰ بِإِذْنِ اللَّهِ  
وَأُنَبِّئُكُمْ بِمَا تَأْكُلُونَ وَمَا تَدَّخِرُونَ فِي بُيُوتِكُمْ  
إِنَّ فِي ذَٰلِكَ لَآيَةً لِّكُمْ إِن كُنتُمْ مُّؤْمِنِينَ ﴿٤٩﴾
50. Sebagai tun do makau kebenea Taurat do tuun seblumku, supayo uku kulo madeak halal utuk udi pao do bi nadeak haram utuk udi. Uku kulo neko magea udi mbin tando (mukjizat) kundei Tuhan udi. Karno o, btakwa ba magea Allah ngen taat magea Si.
- وَمُصَدِّقًا لِّمَا بَيْنَ يَدَيْ مِنَ التَّوْرَةِ  
وَلِأَحِلَّ لَكُمْ بَعْضَ الَّذِي حُرِّمَ عَلَيْكُمْ  
وَجِئْتُكُمْ بِآيَةٍ مِّن رَّبِّكُمْ فَاتَّقُوا اللَّهَ وَأَطِيعُوا  
مُؤْتَفِقِينَ ﴿٥٠﴾
51. Nyen, Allah o Tuhanku ngen Tuhan uid, kerno o sembeak ba Si. Dyo ba dalen luus.
- إِنَّ اللَّهَ رَبِّي وَرَبُّكُمْ فَاعْبُدُوهُ هَذَا صِرَاطٌ  
مُّسْتَقِيمٌ ﴿٥١﴾
52. Mako waktau Isa mraso keingkarantobo o (masyarakat Israil), si madeak, ”Api do lok jijai pnulungku utuk (temgok agama) Allah?” Tun Hawariyun (kwat baik ne) jmawab, ”kemeba pnulung (agamo)
- ﴿ فَمَا أَحْسَنَ عَيْسَىٰ مِنْهُمْ الْكُفْرَ قَالَ مَنْ  
أَنْصَارِي إِلَى اللَّهِ ﴾ قَالَ الْحَوَارِيُّونَ نَحْنُ



Allah. Keme berimen magea Allah, kenliak ba kulo bahwa keme adeba tun Islam.

أَنْصَارُ اللَّهِ ءَامَنَّا بِاللَّهِ وَأَشْهَدُ بِأَنَّ مُسْلِمُونَ



53. Ya Tuhan keme, keme bi berimen magea gesi do Ko tmuun, keme kulo milau Rasul Nu, kerno o tentep ba keme tmasuk tun do mlei kseksai.

رَبَّنَا ءَامَنَّا بِمَا أَنْزَلْتَ وَاتَّبَعْنَا الرَّسُولَ فَاكْتُبْنَا

مَعَ الشَّاهِدِينَ

54. Tobo o (tun kafia) mnea tipu daya, mako Allah males kulo tipu daya. Allah ba do paling baik tukang male tipu daya.

وَمَكْرُوا وَمَكَرَ اللَّهُ وَاللَّهُ خَيْرُ الْمَكْرِينَ

55. (Inget ba), waktau Allah madeak, "Wahai Isa!, uku mok ko ngen maket ko mageaku, ngen smuci ko kundi tun kafia, ngen mnea tun do milau ngen ko nak das tun kafia sapei bilai kiamat. Sudo o, magea Ku ba ko belek, sudo o uku mlei keputusan tentang gesi do udi blisiak.

إِذْ قَالَ اللَّهُ يٰعِيسَىٰ إِنِّي مُتَوَفِّيكَ وَرَافِعُكَ إِلَيَّ

وَمُطَهِّرُكَ مِنَ الَّذِينَ كَفَرُوا وَجَاعِلُ الَّذِينَ

اتَّبَعوكَ فَوْقَ الَّذِينَ كَفَرُوا إِلَىٰ يَوْمِ الْقِيَمَةِ ۗ ثُمَّ

إِلَيَّ مَرْجِعُكُمْ فَأَحْكُمُ بَيْنَكُمْ فِيمَا كُنْتُمْ فِيهِ

تَخْتَلِفُونَ

56. Mako, utuk tun kafia, mako akan Uku smikso si ngen sikso do bnek nak denyo ngen akhirat, sementara tobo o coa dapet pnulung.

فَأَمَّا الَّذِينَ كَفَرُوا فَأَعَذِبُهُمْ عَذَابًا شَدِيدًا فِي

الدُّنْيَا وَالْآخِرَةِ وَمَا لَهُمْ مِّنْ نَّاصِرِينَ

57. Adepun tun do berimen serto kemerjo kebaikan, mako Si akan mlei pahalo magei tobo o scao seperno. Allah coa snang ngen tun zalim.

وَأَمَّا الَّذِينَ ءَامَنُوا وَعَمِلُوا الصَّالِحَاتِ

فَيُؤْتِيهِمْ أَجْرَهُمُ ۗ وَاللَّهُ لَا يُحِبُّ الظَّالِمِينَ

58. Awei o ba Keme mbaco magea ko (Muhammad) pao kundi ayat-ayat ngen prngatan do pnuak hikmah.

ذَٰلِكَ نَتْلُوهُ عَلَيْكَ مِنَ الْآيَاتِ وَالذِّكْرِ الْحَكِيمِ



59. Nyen, umpamo (cmipto) Isa o bagi Allah, awei (cmipto) adam. Si cmipto ne kundi taneak, sudo o si madeak mageak taneak o, "Jijai ba!" mako jijai ba si.

إِنِّ مَثَلُ عِيسَىٰ عِنْدَ اللَّهِ كَمَثَلِ ءَادَمَ ۗ خَلَقَهُ

مِن تَرَابٍ ثُمَّ قَالَ لَهُ كُن فَيَكُونُ

60. Kebnea o kundi Tuhannu, kerno o cibek ba ko tmasuk tun do ragau.

الْحَقُّ مِنْ رَبِّكَ فَلَا تَكُنْ مِنَ الْمُمْتَرِينَ ﴿٦٠﴾

61. Api do mbantah ko, lem hal yo sesudo ko dapet lmau, nadeak ba (Muhammad), “Maroba ite mdeu anak-anok keme ngen anak-anok udi, ngenyan-ngenyan keme ngen ngenyan-ngenyan udi, keme ngen udi, sudo o maro ba ite ber-mubalah supayo laknat Allah neus magea tun do mngike.

فَمَنْ حَاجَّكَ فِيهِ مِنْ بَعْدِ مَا جَاءَكَ مِنَ الْعِلْمِ فَقُلْ تَعَالَوْا نَدْعُ أَبْنَاءَنَا وَأَبْنَاءَكُمْ وَنِسَاءَنَا وَنِسَاءَكُمْ وَأَنْفُسَنَا وَأَنْفُسَكُمْ ثُمَّ نَبْتَهِلْ فَنَجْعَلْ لَعْنَتَ اللَّهِ عَلَى الْكٰذِبِينَ ﴿٦١﴾

62. Nyen, dyo adeba crito do bnea. Coa de Tuhan sluyen Allah, nyen kulo, Allah Mahaperkasa, Mahabijaksana.

إِنَّ هَذَا لَهُوَ الْقَصَصُ الْحَقُّ وَمَا مِنْ إِلَهٍ إِلَّا اللَّهُ وَإِنَّ اللَّهَ لَهُوَ الْعَزِيزُ الْحَكِيمُ ﴿٦٢﴾

63. Sudo o amen tobo o bpaling, mako (namen ba) bahwa Allah Maha Namen tun do mngusak.

فَإِنْ تَوَلَّوْا فَإِنَّ اللَّهَ عَلِيمٌ بِالْمُفْسِدِينَ ﴿٦٣﴾

64. Nadeak ba (Muhammad), “Wahai ahli kiteb! Maroba (ite) moi do kecek (pgong) do srai antaro udi ngen keme, bahwa ite coa sembeak sluyen kundi Allah ngen coa mnduakan Si ngen gesi bae, ite kulo coa jmijai do ngen do luyen tuhan-tuhan slyuen Allah. Amen tobo o bpaling mako nadeak ba (magea tobo o), ”Sneksai ba, bahwa keme adeba tun Islam”.

قُلْ يٰٓأَهْلَ الْكِتٰبِ تَعَالَوْا إِلَىٰ كَلِمَةٍ سَوَآءٍ بَيْنَنَا وَبَيْنَكُمْ أَلَّا نَعْبُدَ إِلَّا اللَّهَ وَلَا نُشْرِكَ بِهِ شَيْئًا وَلَا يَتَّخِذَ بَعْضُنَا بَعْضًا أَرْبَابًا مِنْ دُونِ اللَّهِ فَإِنْ تَوَلَّوْا فَقُولُوا اشْهَدُوا بِأَنَّا مُسْلِمُونَ ﴿٦٤﴾

65. Wahai ahli kiteb! Getai udi ribut-ribut tentang Ibrahim, padahal Taurat ngen Injil tnuun sesudo si (Ibrahim) jano udi coa ngertai?

يٰٓأَهْلَ الْكِتٰبِ لِمَ تُحَاجُّونَ فِي إِبْرٰهٖمَ وَمَا أَنْزَلْتِ التَّوْرٰنَةَ وَالْإِنْجِيلَ إِلَّا مِنْ بَعْدِهِ ؕ أَفَلَا تَعْقِلُونَ ﴿٦٥﴾

66. Awei o ba udi! Udi ribut do gesi do udi namen, tapi getai kulo udi ribut tentang do udi coa namen? Allah namen tapi udi coa namen.

هٰتٰنتمْ هٰتُوْلَآءِ حٰنَجَجْتُمْ فِيمَا لَكُمْ بِهٖ عِلْمٌ فَلِمَ تُحَاجُّونَ فِيمَا لَيْسَ لَكُمْ بِهٖ عِلْمٌ ؕ وَاللّٰهُ يَعْلَمُ وَأَنْتُمْ لَا تَعْلَمُونَ ﴿٦٦﴾

67. Ibrahim coa si tun Yahudi, coa kulo si Nasrani, tapi si adeba tun do luus, tun Islam, si kulo coa musyrik.
- مَا كَانَ إِبْرَاهِيمُ يَهُودِيًّا وَلَا نَصْرَانِيًّا وَلَكِنْ كَانَ حَنِيفًا مُسْلِمًا وَمَا كَانَ مِنَ الْمُشْرِكِينَ ﴿٧٧﴾
68. Tun do paling paok ngen Ibrahim adeba tun do tmotoa si, Nbai yo (Muhammad) ngen tun berimen. Allah adeba plindung tun berimen.
- إِنَّ أَوْلَى النَّاسِ بِإِبْرَاهِيمَ لَلَّذِينَ اتَّبَعُوهُ وَهَذَا النَّبِيُّ وَالَّذِينَ ءَامَنُوا وَاللَّهُ وَلِيُّ الْمُؤْمِنِينَ ﴿٧٨﴾
69. Pao tun ahli kiteb lok semset udi. Padahal, (sebenea) ne tobo o coa semset tun tapi awok dewek, tapi si coa sadar.
- وَدَّتْ طَآئِفَةٌ مِّنْ أَهْلِ الْكِتَابِ لَوْ يُضِلُّوكُمْ وَمَا يُضِلُّونَ إِلَّا أَنفُسَهُمْ وَمَا يَشْعُرُونَ ﴿٧٩﴾
70. Wahai Ahli kiteb! Getai udi muker ayat-ayat Allah padahal udi namen?
- يَا أَهْلَ الْكِتَابِ لِمَ تَكْفُرُونَ بِآيَاتِ اللَّهِ وَأَنْتُمْ تَشْهَدُونَ ﴿٨٠﴾
71. Wahai ahli kiteb, getai udi cmapua do bnea ngen do salea, udi munyin do bnea, padahal udi namem?
- يَا أَهْلَ الْكِتَابِ لِمَ تَلْبِسُونَ الْحَقَّ بِالْبَاطِلِ وَتَكْتُمُونَ الْحَقَّ وَأَنْتُمْ تَعْلَمُونَ ﴿٨١﴾
72. Pao kundi tun ahli kiteb madeak (ngen sesamo ne), “Berimen ba udi ngen gesi do tnuun ngen tun berimen pado pweng bilai tapi tnulok ba nak pelbeak bilai ne, supayo tobo o belek (moi kafia).
- وَقَالَتْ طَآئِفَةٌ مِّنْ أَهْلِ الْكِتَابِ ءَامِنُوا بِالَّذِي أُنزِلَ عَلَى الَّذِينَ ءَامَنُوا وَجَهَ النَّهَارِ وَكَفَرُوا ءَاخِرُهُ لَعَلَّهُمْ يَرْجِعُونَ ﴿٨٢﴾
73. Cibeak kulo udi cayo magea tun luyen tun agomo udi. Nadek ba (Muhammad), “Nyen pentunjuk o cuma petunjuk Allah. (Cibeak udi cayo) tun akan nlei awei gesi do nlei ngen udi, atau tobo o akan smanggah udi nak adep Tuhan udi.” Nadek ba (Muhammad), ”Nyen, karunia o nak tangen Allah, Si mlei ngen api do Si kemlok. Allah Maha Luas, Maha Mengetahui.
- وَلَا تُؤْمِنُوا إِلَّا لِمَنْ تَبِعَ دِينَكُمْ قُلْ إِنَّ الْهُدَىٰ هُدَىٰ اللَّهِ أَنْ يُؤْتَىٰ أَحَدٌ مِّثْلَ مَا أُوتِيْتُمْ أَوْ يُحَاجُّوكُمْ عِنْدَ رَبِّكُمْ قُلْ إِنَّ الْفَضْلَ بِيَدِ اللَّهِ يُؤْتِيهِ مَنْ يَشَاءُ وَاللَّهُ وَاسِعٌ عَلِيمٌ ﴿٨٣﴾

74. Si temtep rahmat Ne ngen api si kemlok. Allah temwan karunia lai.
- يَخْتَصُّ بِرَحْمَتِهِ مَنْ يَشَاءُ ۗ وَاللَّهُ ذُو الْفَضْلِ الْعَظِيمِ
- ﴿٧٤﴾
75. Ade kulo pao ahli kiteb do amen ko cayo ngen si harto dau, mako si akan melek ngen ko. Tapi ade kulo do amen ko cayo ngen si do dinar bae, si coa kan melek ngen ko, kecuali amen ko tmagiak trus. Do o kerno si madeak, "coa gen doso keme ngen tun coa nam baco". To bo o mngecek ngike ngen Tuhan, padahal si namen.
- ۞ وَمِنَ أَهْلِ الْكِتَابِ مَنْ إِنْ تَأْمَنَهُ بِقِنطَارٍ يُؤَدِّهِ إِلَيْكَ وَمِنْهُمْ مَنْ إِنْ تَأْمَنَهُ بِدِينَارٍ لَّا يُؤَدِّهِ إِلَيْكَ إِلَّا مَا دُمْتَ عَلَيْهِ قَائِمًا ۗ ذَٰلِكَ بِأَنَّهُمْ قَالُوا لَيْسَ عَلَيْنَا فِي الْأُمِّيِّينَ سَبِيلٌ وَيَقُولُونَ عَلَى اللَّهِ الْكَذِبَ وَهُمْ يَعْلَمُونَ
- ﴿٧٥﴾
76. Sebenea ne api misai janjai ngen bertakwa, mako nyen, Allah cmito tun bertakwa.
- بَلَىٰ مَنْ أَوْفَىٰ بِعَهْدِهِ وَاتَّقَىٰ فَإِنَّ اللَّهَ يُحِبُّ الْمُتَّقِينَ
- ﴿٧٦﴾
77. Nyen tun do jemwoa janjai Allah ngen supeak-supeak ne ngen go mueak, mako coa kan dapet bagia nak akhirat, Allah coa kan tmaok si, coa kemliak nak bilai kiamat, coa kulo smucaj tobo o. Utuk tobo o adeba sikso do pelgiak.
- إِنَّ الَّذِينَ يَشْتَرُونَ بِعَهْدِ اللَّهِ وَأَيْمَانِهِمْ ثَمَنًا قَلِيلًا أُولَٰئِكَ لَا خَلْقَ لَهُمْ فِي الْأٰخِرَةِ وَلَا يُكَلِّمُهُمُ اللَّهُ وَلَا يَنْظُرُ إِلَيْهِمْ يَوْمَ الْقِيٰمَةِ وَلَا يُزَكِّيهِمْ وَلَهُمْ عَذَابٌ أَلِيمٌ
- ﴿٧٧﴾
78. Nyen, pao kundi tobo o ade do mutea belek lideak ne mbaco kiteb, supayo udi smako (do nbaco ne) o adeba kiteb, padahal do o coa si kundi kiteb, tobo o madeak, "Do o kundi Allah", padahal do o coa si kundi Allah. Tobo o madeak kecek do mngike ngen Allah, padahal si namen.
- وَإِنَّ مِنْهُمْ لَفَرِيقًا يَلُودُنَ الْأَسْتِثْمَ بِالْكِتَابِ لِتَحْسَبُوهُ مِنَ الْكِتَابِ وَمَا هُوَ مِنَ الْكِتَابِ وَيَقُولُونَ هُوَ مِنْ عِنْدِ اللَّهِ وَمَا هُوَ مِنْ عِنْدِ اللَّهِ وَيَقُولُونَ عَلَى اللَّهِ الْكَذِبَ وَهُمْ يَعْلَمُونَ
- ﴿٧٨﴾
79. Coa mungkin tun do Allah mlei kiteb, serto hikmah ngen status nbai, sudo o si madeak ngen manusio, "jijai ba udi pnyembeakku, coa si pnyembeak Allah," Tapi (si madeak), "jijai ba udi hamba-hamba Allah, kerno udi majea kiteb ngen kulo blajea.
- مَا كَانَ لِبَشَرٍ أَنْ يُؤْتِيَهُ اللَّهُ الْكِتَابَ وَالْحِكْمَ وَالنُّبُوَّةَ ثُمَّ يَقُولَ لِلنَّاسِ كُونُوا عِبَادًا لِّيٰ مِنْ دُونِ اللَّهِ وَلَكِنْ كُونُوا رَبَّيْنَ بِمَا كُنْتُمْ تُعْلَمُونَ الْكِتَابَ وَبِمَا كُنْتُمْ تَدْرُسُونَ
- ﴿٧٩﴾

80. Coa (mungkin kulo bagi ne) smayo udi jmijai mlikat-mlikat ngen nbai-nbai sebagai Tuhan. Jano (patut) si smayo udi jijai kafia sesudo udi jijai tun Islam?
- وَلَا يَأْمُرُكُمْ أَنْ تَتَّخِذُوا الْمَلَائِكَةَ وَالنَّبِيِّينَ أَرْبَابًا ۗ أَيَأْمُرُكُمْ بِالْكُفْرِ بَعْدَ إِذْ أَنْتُمْ مُسْلِمُونَ ﴿٨٠﴾
81. (inget ba), waktau Allah mok janjai ngen pao nbai, "Amen Uku mlei kiteb ngen hikmah ngen ko sudo o neko Rasul do madeak bnea gesi do ade ngen udi, mako udi akan berimen nyen ngen tmulung si". Allah madeak, "jano udi stuju ngen tmimo janjai ngen Ku awei o?" Tobo o jmawab, "keme stuju". Allah madeak, "kalau io bseksai ba udi (para Nabi) ngen Uku jijai seksai ngen udi."
- وَإِذْ أَخَذَ اللَّهُ مِيثَاقَ النَّبِيِّينَ لَمَا آتَيْنُكُمْ مِنْ كِتَابٍ وَحِكْمَةٍ ثُمَّ جَاءَكُمْ رَسُولٌ مُصَدِّقٌ لِمَا مَعَكُمْ لَتُؤْمِنُنَّ بِهِءَ وَلَتَنْصُرُنَّهُ ۚ قَالَ أَأَقْرَرْتُمْ وَأَخَذْتُمْ عَلَىٰ ذَٰلِكُمْ إِصْرِي ۗ قَالُوا أَقْرَرْنَا ۚ قَالَ فَاشْهَدُوا ۗ وَأَنَا مَعَكُمْ مِنَ الشَّاهِدِينَ ﴿٨١﴾
82. Mako api bpaling sesudo o, mako si ba tun fasik.
- فَمَنْ تَوَلَّىٰ بَعْدَ ذَٰلِكَ فَأُولَٰئِكَ هُمُ الْفَاسِقُونَ ﴿٨٢﴾
83. Mako getai tobo o msoa agamo luyen sluyen agamo Allah, padahal gesi do nsoa nak lenget ngen bumai semreak dirai ne ngen Si, (lem) suko atau tpakso, jano igai Cuma ngen Si tobo o akan belek?.
- أَفَغَيْرَ دِينِ اللَّهِ يَبْغُونَ ۚ وَلَهُ أَسْلَمَ مَنْ فِي السَّمَاوَاتِ وَالْأَرْضِ طَوْعًا وَكَرْهًا وَإِلَيْهِ يُرْجَعُونَ ﴿٨٣﴾
84. Nadeak ba (Muhammad): "Keme berimen magea Allah ngen gesi do tnuun Ne ngen keme ngen kulo do tnuun ngen Ibrahim, Ismail, Ishak, Ya'kub ngen anak kepau ne, magea kulo ngen jano do nlei ngen Nbai Musa, Isa, ngen paro nbai kundei Tuhan ne. Keme coa mbeda-beda-kan de do nak antaro tobo o, cuma ngen Si ba keme semreak dirai".
- قُلْ ءَامَنَّا بِاللَّهِ وَمَا أُنزِلَ عَلَيْنَا وَمَا أُنزِلَ عَلَىٰ إِبْرَاهِيمَ وَإِسْمَاعِيلَ وَإِسْحَاقَ وَيَعْقُوبَ وَالْأَسْبَاطِ وَمَا أُوتِيَ مُوسَىٰ وَعِيسَىٰ وَالنَّبِيُّونَ مِنْ رَبِّهِمْ لَا نُفَرِّقُ بَيْنَ أَحَدٍ مِّنْهُمْ وَنَحْنُ لَهُ مُسْلِمُونَ ﴿٨٤﴾